



UNIVERSITÄTS-
BIBLIOTHEK
PADERBORN

Institutiones Canonicae Sive Ius Ecclesiasticvm

Wiestner, Jacob

Monachii, 1705

III. De Personis, quibus competit Jus Patronatûs.

[urn:nbn:de:hbz:466:1-62668](https://nbn-resolving.org/urn:nbn:de:hbz:466:1-62668)

neatur, e. *Cum sicut* 8. de *Consecrat. Ec-*
cles. vel altar. citr. Lambertin. Lib. 5. p.
1. q. 5. art. 10. & Barbosa de Offic. Episc.
alleg. 70. n. 29.

40. Dubium quintò est, an, ut Patrona-
tûs jus acquiratur, necessaria sit ejus refer-
vatio in Ecclesiæ fundatione &c. Affir-
mat id quidem Paul. de *Citadinis de Jure*
Patronat. p. 3. §. Secunda, n. 13. & suadet
praxis Fundatorum, id sibi expressè re-
servantium in Ecclesiarum vel beneficio-
rum Ecclesiasticorum fundatione & ere-
ctione, non obscurò indicio, id sine ex-
pressâ reservatione non acquiri; cum,
quod tacite inest, frustra exprimitur, *l.*
Verba 12. ff. de Condit. instit. Sed hoc
leve est; cum, quæ ita insunt, sæpe ex-
primi soleant ad majorem cautelam; sic
enim, licet emptori de evictione vendi-
tor teneatur ex indubitata dispositione
Juris, *l. Non dubitatur* 6. *C. de Evictio-*
nibus, id tamen instrumentis venditio-
num inferi passim solet. Quare alio-
rum &c. teste, Garcia *p. 5. de Benef. cap. 9.*
n. 62. communissima doctrina est, à
Fidelibus Ecclesias cum consensu Ordina-
rii constituentibus aut ad eas fundum vel
dotem contribuentibus Patronatum ex
dispositione Juris acquiri, etiamsi hunc
sibi expressè non referrent: dummodo
etiam illum actu aliquò contrariò non
remittant.

41. Aliter res se habet, si fundator Pen-
sionem aut aliud simile onus prætenderet
ab Ecclesia, à se aut majoribus suis fun-
data; his enim Ecclesia & beneficia o-
nerari non posse, nisi in limine funda-
tionis cum consensu Episcopi expressè
referrentur, explorati Juris est, & in
c. Præterea 23. notant Panormit. & Bar-
bosa uterque *n. 4.*

ARTICULUS III.

De Personis, quibus
competit Jus Patrona-
tûs.

SUMMARIUM.

42. *Obtinere hoc jus potest Laicus;*
43. *Non etiam Paganus vel Judeus.*
44. *Neque etiam Hæreticus, saltem de*
Jure scripto.
45. *Excommunicatus Patronatum non*
amittit.
46. *Valide etiam sunt ejus presentatio-*
nes:
47. *Eis debeant aut valeant repelli.*
48. *Patroni Infantis locò tutor.*
49. *Isòque auctore Impubes;*
50. *Minor tamen sine curatore presen-*
tat.
51. *Femina quoque capax est juris Pa-*
tronatûs:
52. *Quod obrinens uxor ipsa clericum*
presentat;
53. *Etiam ratione Patronatûs, annexâ*
villæ, castro &c.
54. *Nisi hæc in dotem data sint marito.*
55. *Patronatum bonâ fide possidentâ*
presentatio,
56. *Etiam post licentiam super proprietate*
motam, competit:
57. *Ut ab eo presentatus sit instituen-*
du.
58. *Villæ, cui ille annexus est, Conducitor*
ad longum,
59. *Et ad modicum etiam tempus præ-*
sentat;
60. *Eadèmq; ratio est Sequestri.*

Juris patronatûs, ut dictum, capaces 42.
sunt non solum personæ & Colle-
gia Ecclesiastica, sed laici quoque:
A a a a a a neque



neq; mares duntaxat, sed & foeminae, *can. Quoniam, 16. q. 7. c. fin. de Concess. Praebend. & c. Ex literis 7. hinc Rubr.* etiam si haec & illi illegitimi, imò etiam spurii sint; quia etiam hi, à Jure excepti non reperiuntur, & possidere possunt castra, villas & alia loca, Patronatum habentia annexum: Ecclesias & Ecclesiastica beneficia fundare &c. quod facientibus sacri Canonibus patronatus jus generaliter & indistinctè indulsit, Rochus de Jure Patronat. V. Competens, q. 2. & Azor p. 2. Institut. lib. 6. cap. 21. q. 15.

Neque obstat; quòd laici capaces non sint juris eligendi, *c. Sacrosancta 51. c. Massana 56. &c. de Electione*; quia inter hoc &, patronatus jus lata disparitas est; quia imprimis illud, tanquam proxima dispositio ad finem spiritualem, simpliciter spirituale: hoc verò, tanquam dispositio ad eum solum remota, spiritualibus solummodo annexum est, juxta dicta n. 21. Deinde; quia vi illius facta electio jus ad Praelaturam electo: contra verò istius vi à laico facta praesentatione absolutum & determinatum jus ad Ecclesiam vel beneficium non acquiritur praesentato, *arg. c. Quod autem 5. c. Cum autem 24. &c. &*, quando patronatus jus Ecclesiasticum est penes Collegium, post capitularem istius consensum in unius praesentationem, priusquam ista superiori oblata sit, ab ea recedi & praesentari alius potest, Laiman de Praelat. Elect. q. 4. Demum; quia laici juris patronatus capaces redditi sunt speciali gratia Ecclesiae, id ipsis concedentis vel, ut *c. Quoniam 3.* dicitur, in eo ipsos sustinentis; ut ad Ecclesias & beneficia Ecclesiastica fundanda dotandaque essent proniores, ut *in cit. c.* tradunt Panormit. p. 2. & Fagnanus à n. 4.

Dubium tamen de variis generibus personarum est, an capaces sint juris pa-

tronatus vel, an hoc ipsis potius, quam aliis competat.

Et primò quidem de Paganis & Judaeis dubitandi ratio est; quòd fundare, construere & dotare valeant Ecclesias, & acquirere castra & loca alia, annexum habentia jus patronatus. Sed huic praevalet Jus & istius etiam ratio id, de quo agimus, patronatus jus ipsis negandum persuadens; cum, ut infinitum jam est, id competat gratia Ecclesiae, à qua ipsi capaces redditi sunt soli Christiani, *can. Pie 26. ibi, Qui omni Christiano debentur, can. Frigentius 27. junctà Glossa 7. Quia Christianis & can. Quicumque Fidei 30. &c. 16. q. 7.* Unde, quantumvis Ecclesiam vel capellam à se fundatam construamque dotare Paganus vel Judaeus teneatur, eam tamen (&, quae sui iuris patronatus castro aut villae, ab eorum aliquo emptae, annexi) liberam erodet, cum Lambertino de Jure Patronat. lib. 5. p. 1. q. 5. art. 8. n. 1. & 2. docet Fagnanus in *c. Nobis cit. n. 9.*

Secundò de Haereticis; qui, cum sint Christiani, & infantem baptizandi aut de sacro fonte levandò contrahant cogitationem spiritualem, ut *in Reg. Ex eo 9. & in 6. Joan. Andr. n. 3.* observat, spiritualibus tantum annexi patronatus de Jure capaces esse, videri possunt. Hoc tamen *in c. Nobis cit.* merito negant idem Joan. Andr. Panormit. n. 3. & Fagnanus n. 10. & evincit ratio; quòd de Jure Haereticorum bona omnia, ac proinde ipsorum quoque patronatus jus fisco cedant, *Canon secundum 19. de Haereticis in 6.* Quae ratio licet fortassis non militet adversus haereticos toleratos, ut sunt Confessionite Germaniae nostrae; in qua, sicut propter Pacta publica, sciente Summo Pontifice cum ipsis inita, immunitatis & civilibus juribus omnibus cum Catholicis pariter gaudent, sic etiam bonorum confiscationi

fificationi obnoxii non sunt.

Nihilominus patronatûs jura etiam his non competere, statuendum est propter *can. Quicumque cit.* jus patronatûs concedentem solis Fidelibus: quales non sunt Hæretici; hæresis enim peccatum est infidelitatis, secundum S. Thomam 2. 2. q. 10. art. 5. Ratio est; quia jus patronatûs est potestas & honor Ecclesiasticus, concessus speciali gratiâ & favore Ecclesiæ: quò cum indigni vel maxime sint hæretici, tanquam ejus contemptores & impugnatores, credibile non est, juris patronatûs concessionem ad ipsos quoque pertinere, *arg. can. Didicimus, 24. q. 1. Azor p. 2. Instit. lib. 2. cap. 21. q. 8.* Unde paritas non est cum cognatione spirituali; quia hæc specialis gratiâ & favoris rationem non habet respectu contrahentis. De Jure, inquam; neque enim ignoro, de facto præsentationes ad beneficia Ecclesiastica ab Hæreticis factas in Germania nostra alicubi tolerari, & institui clericos idoneos ab ipsis præsentatos: & vicissim à Catholicis tam Ecclesiasticis quàm laicis patronis præsentationes ad ipsorum Ecclesias admitti.

45. Tertiò de Excommunicato vitando: quem, licet ipsò Patronatu non privari, certum: dubium tamen est de valore ab eo factæ præsentationis: Et quidem, si patronus Ecclesiasticus sit, eam pro irrita plerique habent cum Covarruvia in *c. Alma p. 1. §. 7. n. 9.* & Ugolino de *Censuris Tab. 2. cap. 13. §. 2. n. 13.* cum; quòd hujusmodi præsentatio vim habeat electionis: quòd oblivioni nunquam tradendum, in *c. Cum autem 24. pr.* monet Fagnanus n. 19. electio autem ab excommunicato vitando facta irrita sit, *c. Uenio, Ne sede vacante in 6.* tum vero; quòd ejusmodi patroni præsentatione superiorì oblatâ præsentatò quæsitum sit

jus ad beneficium: juris autem Ecclesiastici concedendi facultate excommunicatus privetur, ut cum *citt. DD. tradit Palao Tract. 29. disp. 2. p. 13. n. 15.*

Ob eandem rationem, patroni etiam laici præsentationem irritam pronuntiant *citt. Covarruvias & Lambertinus Lib. 2. p. 1. q. 5. art. 2.* etsi enim ista electionis vi non polleat, jus tamen etiam ipsa tribuit præsentato. Hòc tamen non obstantè, verisimiliùs excommunicati laici, aut etiam clerici patronatum ratione patrimonii obtinentis, præsentationem pro valida habent Rochus de Curte *V. Competens, q. 8. Ugolinus n. 13. cit. & Garcias Lib. 5. de Benef. cap. 4. n. 317.* eâ ducti ratione; quòd ejusmodi præsentatio non tribuat jus firmum; cum eâ factâ locus sit variationi, *c. Quòd autem 5. §. c. Cum autem 24.* neque actus sit spiritualis jurisdictionis aut officii Ecclesiastici, sicut ea, quæ sit ab Ecclesiastico, nomine & jure Ecclesiæ præsentante, Pirrhing *ad hanc Rubr. n. 103.*

47. Quantumvis autem valida sit præsentatio, eam tamen, licet iste toleratus sit, admittere Episcopus non tenetur; quia excommunicato etiam tolerato communicare non tenetur: & si non toleratus, sed vitandus sit, non potest, *c. Nuper 29. §. de Sent. excom. §. c. A nobis 2. de Exceptionibus, Suarez de Censuris disp. 14. §. 2. n. 30.* nisi urgeat necessitas: cujusmodi in proposito casu foret, si non admisâ præsentatione diuturna & Ecclesiæ damnosa vacatio induceretur, Coninck *disp. 14. dub. 11. conclus. 2.*

Licet autem juxta hætenus tradita patronus distâ censurâ ligatus validè; & si laicus sit, quòd repelli valeat, omnino efficaciter præsentare nequeat ante absolutionem, istâ tamen intra quatuor aut sex menses, ad præsentandum Jure

A a a a a a

indultos, impetratâ uterque potest: imò etiam mensibus illis jam lapsis, si non fuerunt in mora petendæ absolutionis, Zæsius ad hanc Rubr. n. 58, quia eò casu sunt legitimè impediti: quibus Jure indultum tempus non currit, c. Quis diversitatem s. de Concess. Præbenda.

48. Quartò de Pupillis ac Minoribus viginti quinque annis. Ratio de his dubitandi oritur ex defectu usûs rationis aut maturitatis judicii. Sed hoc non obstat, quò minus, sicut legati & hæreditatis, sic etiam rebus hæreditariis aut legatis annexi juris patronatûs sint capaces, Archidiacon, in can. Decernimus cit. Pa-normit. in c. 1. n. 5. & cit. Azor cap. 21. q. 14. Quoad istius tamen juris exercitium locus, imò opus est distinctione; vel enim pupillus adhuc infans sive septenniò minor, vel hæc ætate maior est?

Si minor & adhuc infans (eadem ratio est furiosi & amentis) clerici præsentatio ob allatam rationem non ab ipso, sed ipsius nomine à tutore faciendâ est, Rochus V. cit. q. 3. n. 12. & Garcias p. 5. cit. cap. 9. n. 193.

49. Si septenniò maior, intra pubertatis tamen annos constitutus est, præsentationem quidem fieri conveniret interveniente autoritate tutoris, utpote ad regendam eius personam & actiones dâti: nihilominus, si à pupillo præsentetur dignus, hunc digniori à tutore præsentato præferendum, cum Joan. Andr. in c. Ex eo 32. de Electione in 6. n. 5. tradunt citr. Lambertin. Lib. 2. p. 3. q. 6. art. 1. & Zæsius n. 40. cum; quòd pupillus sit proprietarius & quasi dominus iuris patronatûs: tum verò; quòd, sicut ad sponsalia validè in eunda, sic etiam ad validam præsentationem tutoris autoritatem exigi, nullò Jure habeatur. Pupillò autem non præsentante, & tu-

tori id facienti non contradicente, ab ipso factam præsentationem subsistere prior Opinio cit. Garcias n. 194. & ratio est; quia tutor non solum administrationem bonorum pupilli, sed huius etiam regendi habet potestatem.

Multò magis, quàm huiusmodi pupillus, præsentare potest patronus pater & viginti quinque annis minor: imò etiam nomine ab alio non solum curatorem, sed etiam à patrefamilias sine mandato factam præsentationem pro irrita habent Gurtierrez de Tutel. p. 3. cap. 23. n. 14. cit. Garcias n. 198. & Palao Tract. 19. disp. 2. p. 4. n. 21. Ratio est; quia curator non ad regendam personam, sed ad administrandam solum bona temporaria datur: & filiusfamilias in spiritualibus & ab his dependentibus sui iuris est, & à patria potestate independentis, c. f. de Judiciis, in 6. Rectè tamen in Palao n. 22. excipit ius patronatûs annexum nominis filii adventitii; horum enim, sicut ususfructus, sic etiam annexi iuris patronatûs exercitium ad patrem spectat.

Quintò de Fœminis; quarum Ecclesiastici patronatûs capacitatem accipiunt reddit; quòd huiusmodi patrono excusatio suo imminet cura, sive tuitio Ecclesiæ, can. Filius 31. & can. Decernimus 32. q. cit. in fœminam non cadens; cum aliena defensio virile, l. Alienam ff. de Procurat. & publicum officium illi, pr. Institut. de Excusat. tur. fœminæ autem ab omnibus officiis publicis remota, l. Fœmine 2. ff. de R. l. & iudicio contumace non minus quàm viribus tenui adeoque imbecilli sint; ut adversus propria commoda plerumque laborent, l. Si pater 4. C. de Sponsal. & arrib.

Sed Politicâ hæc ratio potior est Canonica definitio, Ecclesiarum fundatores Christianos ac fideles, sine ullo sexûs discrimine, honestos Patronatus, can. Tit.

ad. Pie; can. Frigentius, can. Qui-
cunque cit. & hunc in feminis Regulari-
bus, c. Ex literis 7. & in Secularibus quoq;
admittat, c. fin. de Concess. preb. Qua-
re ex fundationis, constructionis & dota-
tionis causis patronatus ius ipsi non mi-
nus, quam viris adstruunt Panormit. in
c. fin. cit. n. 3. Covarruias Practic. cap.
38. n. 13. Garcias p. 5. cit. cap. 9. n. 142.
& Barbosa in c. Ex literis cit. n. 12. quod
clericis ad beneficia presentare per se i-
pse possint per c. cit. textum & c. fin. cit.
à contrario ductum argumentum: Ec-
clesiarum autem curam tuitionemque per
alios expedire valeant: imò non appa-
reat, cur eam quoque prestare neque-
ant per se ipsas; cum administrationis &
curæ Ecclesiasticæ per se ipsas gerendæ
jure non sint redditæ iucapaces, c. Ex
literis cit. & c. Dilecti 12. de Majorit.
& Obid.

53. Sexto de Marito respectu patrona-
tus iuris, quod obtinet uxor. Non qui-
dem, si ius id merè Personale aut bonis
paraphernalibus sit annexum; cum enim
illud inhæreat personæ, & huiusmodi
bona non transeant ad maritum, ad i-
psam etiam non transibit annexum ius
patronatus, Gutierrez cap. cit. n. 14. &
Garcias cap. 5. cit. n. 185. Sed, quando
patronatus ius annexum est bonis, vg.
ville aut castro ipsi in dotem datis; hoc
enim casu eius exercitium vg. presen-
tationem marito competere, cum Feli-
no in c. Cum olim 14. de Majorit. n. 2.
Panormit. in c. fin. cit. n. 8. negat Azor
cit. cap. 21. q. 16. & contra affirmant Ti-
raquellus post L. Connub. gloss. ult. à n.
5. Gutierrez p. 3. de Tutel. cap. 29. n.
3. Garcias l. cit. n. 177. & Petr. Barbosa
in l. Divortio 7. §. Si vir 13. ff. Solutio Ma-
trim. n. 57.

Illorum fundamentum est; quòd
verum naturale dominium dotis remaneat

penes uxorem; l. In rebus 30 sibi, Cum
eadem res & ab initio uxoris fuerint &
naturaliter in ejus permanferint potestate,
& l. Quamvis in bonis mariti dos sit, mu-
lieris tamen est, 75. ff. de Jure dorum.
Neque refert; quòd rei dotalis fructus
& emolumenta spectent ad maritum ad
supportanda matrimonii onera c. Per ve-
stras 7. de Donat. inter vir & uxor. & c.
Salubriter 16. de Usurâ; quia hoc intel-
ligi nequit de presentatione, competen-
te ratione patronatus; cum ista, hoc i-
psò; quòd pretiò æstimabilis non sit; &
ad ejusmodi onera supportanda utilis
fructus non sit.

Istorum contrà ratio est; quòd re-
rum dotalium non solum fructus, sed
fictione Juris ipsum etiam dominium,
saltem Civile penes maritum sit, quo-
ad omnes effectus Jure non exceptos,
arg. l. Dote 9. C. de R. V. ut cum Glossa
in l. In rebus cit. V. Naturali, C. de Jure
dotium docent Bartolus & Baldus in l.
cit. illa n. 3. iste n. 6.

Inter extremè oppositas median-
viam tenet Covarruias cit. cap. 38. con-
troversiam expediens auxiliò distinctio-
nis inter bona marito in dotem data; vel
enim, inquit, bona æstimata sunt æsti-
matione, quæ facit emptionem, vel nul-
lâ, aut eâ tantùm æstimatione, quæ em-
ptionem non facit, æstimata marito in
dotem dantur? Si prius, jus patronatus
ejusque exercitium competit marito; 54
quia bonorum ita datorum sit dominus;
ideòque solutò matrimoniò non ea, sed
æstimationem tantùm restituere tenetur,
per ea, quæ tradunt Pinellus in l. 2. C.
de Rescind. vendit. p. & cap. 1. n. 18. &
Gomez in l. Tauri 5. n. 44. Si poste-
rius: juxta l. In rebus & l. Quamvis cit.
ad maritum transit sola eorum admini-
stratio & fructus, qui faciunt ad faci-
lius supportanda onera matrimonii: cu-
jusmodi

jusmodi fructus cum presentatio non fit, ista tali casu uxori competet: non soli marito.

Ex haftenus relatis DD. Opinioni- bus, licet postrema haec non displiceat, quoad jus tamē patronatus praefero secundam. Ratio est; quia, sicut ejusmodi jus patronatus, si non excipiat, ad rem dota- lem, arg. c. Ex literis 7. ibi *Si villa fuerit non excepto jure patronatus ad firmam concessa*: sic presentatio, tanquam fructus rei dotalis, accessorie se habet ad ejusmodi rei fructus reliquos, ac pro- inde, sicut re dotali v.g. castrō in mari- tum translato, etiam transfertur jus pa- tronatus, sic translatis in alterum fructi- bus rei dotalis, etiam exercitium juris pa- tronatus sive presentatio, tanquam illis accessoria, transfertur. Neque refert; quod pretio aestimabilis non sit; quia ni- hilominus valde optabilis est marito, ad clericum per presentationem sibi devin- ciendum.

55. Septimō de juris Patronatus Posses- fore: non quidem malae fidei; cum ab isto presentationem fieri non posse, om- nino sit exploratum. Sed bonae: à quo, antequam super juris patronatus proprietate litis contestatio fiat, praesentationem, & presentati institutio- nem fieri posse, c. Consultationibus 19. decisum & ratio perspicua est; quia praesentatio est juris patronatus quidam fru- ctus: fructus autem bonae fidei posses- sori debentur, §. *Si quis à non domino* 37. *Infirm. de Res. divis. & c. Gravis* 11, *de Restit. spoliar.* & absumpti non resti- tuuntur; nisi possessor ex illis factus sit locupletior, Glossa in §. *cit. V. Fructu*, & Panormit. in c. *Consultationibus cit. in fine*: quod possessori ex presentatione, utpote pretio non aestimabili, sine labe Si- moniae non contingit.

56. Post litem verò super proprietate

contestatam presentationem quidem fieri à possessore, sed ab ipso presentatum esse litem finitam institui non posse, arg. *Ex literis cit.* cum Glossa *fin.* voluit Pa- normit. à n. 3. & Barbola n. 11. id col- ligentes ex c. *cit.* decisione, vi cuius in- stitui potest presentatus, antequam lis est mota. Unde, à contrario ducto ar- gumentō, inferunt, lite jam mota praesentatum institui non posse. Rationem prioris reddunt, quod bonae fidei possessor, quamdiu causā non cadit, commodum suae possessionis, & presentationem tanquam ejus fructu privandus non sit, c. *Laudabilem* 2. *U. l. l. pend.* Posterioriorem; quod etiam bonae fidei possessor post litis contestationem fructus presentati cum onere & obligatione eos, si casus cadat, victori restituendi, c. *Gerardus* & l. *Ceruum* 22. c. *de R. P.* quod cum facta jam institutione fieri non possit; quia legitime factum irritari non debet, licet ad casum devenerit, quod necesse accipere non potuit, c. *Præcepta* 12. *dist.* 55. & l. *Nec enim* 2. ff. *de Inver. alitque privato*, cum, inquam, hoc fieri nequeat, pendente lite, presentati in- stitutio usque ad litem finitam erit in- ferenda.

Sed verius presentationi & presentati etiam institutioni super juris patronatus proprietate ortam & pendente litem non obstat, cum Innocentio in c. *cit.* docet Rochus de Curie 7. c. n. 43. Honorius ad hanc Rubr. n. 58. Vivianus in c. *cit.* & Palao *Tract.* 13. *lib.* 2. p. 4. n. 26. partim; quod favor Ecclesiae & si beneficium curatum sit, etiam animarum exigit; ne ritè presentati institutio differatur, ut plenius dictum *Lit.* 1. 1. 6. n. 56. partim verò; quod, re evicta, restituenti illi tantum fructus sint, qui restitui possunt salvo usu possessionis, & sunt pretio aestimabiles; non etiam, qui

dominum non reddunt locupletiores, Engel ad hanc Rubr. n. 14.

Neque in contrarium facit *c. Ex literis cit.*, quia miles, cujus eò mentio fit, non fuit in pacifica possessione juris patronatûs: imò verisimiliter satis, eum isto per actum præsentationis uti primâ vice capisse, observat Engel *l. cit.*

58. Octavo de villâ aut castri patronatûs jus annexum habentis conductore. Cui, si villa locata sit ad tempus longum, annexi juris patronatûs exercitium sive præsentationem competere, Panorm. in *c. Ex literis 7. n. 5. cit.* Rochus *V. Ipfse vel is, q. 26. n. 54.* Lambertin. *Lib. 1. p. 2. q. 8. art. 12.* alique DD. communiter, & novissimè censuit Fagnanus in *c. cit. n. 12.* quòd hujusmodi locatione dominium utile transferatur in conductorem.

Si verò locatio sit ad tempus modicum, præsentationem ad beneficium, durante locatione vacans, non ab eo, sed à locatore faciendam, contendunt, eâ per sua ratione; quòd hujusmodi locatione nullum dominium, *l. Non solet 39. ff. Locati*, imò neque possessio naturalis, sed mera detentio cum jure percipiendi fructus in conductorem transferatur, ut notari solet in *l. Si ut certo 5. §. fin. ff. Commodati & l. Malè 2. C. de Prescripte. 30. vel 40. annor.*

59. Sed, licet hæc Opinio à DD. passim recepta sit, melius tamen in jure patronatûs Hostiensis in *c. cit.* Zabarella *q. 1. ac Barbosa n. 4. in fine* hòc etiam casu favent conductori; imprimis propter *c. cit.* verba *Ad firmam* sive censum annuum, quibus regulariter locationem ad modicum tempus denotari, aliis non differentibus, existimat Fagnanus *n. 12. cit.* Dein; quòd locatio villæ verisimilius fuerit ad tempus modicum; cum sine solennitatibus hæc sola Jure fuerit

permisa. Et demum; quòd per locationem villæ, ad tempus etiam modicum, conductori communicetur jus percipiendi omnes fructus: ejusmodi cum sit exercitium juris patronatûs, sive actus præsentationis, iste quoque ei communicabitur, spiritualitate nihil impediente; quia, sicut jus patronatûs villæ, ita istius fructibus accessoria est præsentatio; ideòque, sicut in alterum translatâ villâ, huic annexum jus patronatûs, sic etiam communicatis in eumque translatâ villæ fructibus, his accessoria præsentatio, tanquam juris patronatûs exercitium & fructus, transfertur.

Nondè de ejusmodi villâ sequestrata 60. & creditore, cui ea est oppignorata, A quorum priori: non etiam a posteriori, ratione ei annexi juris patronatûs, præsentationes legitimè fieri, planum est ex iis, quæ de Jure conferendi, rei sequestratæ aut oppignoratæ annexo, tradita sunt *Lib. 2. Tit. 17. à n. 17.*

ARTICULUS IV.

De Juribus & Obligatione Patronorum,

SUMMARIUM.

61. Patronorum jura sunt I. Honor eis competens in,
62. Et extra Ecclesiam sui Patronatûs.
63. Conveniri tamen istius nomine in judicio,
64. Etiam sine venia non prohibentur.
65. II. Onus, sive desensio Ecclesie:
66. Sine visitatione tamen & exactione rationum:
67. Nisi Patronus sit Ecclesiasticus,
68. Vel laicus speciali jure munitus.

B b b b

69. III.